

Երկու հարիւր և քսան քուռուշ դրամն հոռոց գանգատողն ո՛չ լցոյց 'ի ձեռն այս յանդիմանողիս եթէ ո՛չ միայն դուռուշ հարիւր և ութսուն, և 'ի մնացորդ քառասուն դուռուշն ուխտեաց զի միջոցաւ մի ամսով տացէ այս դատախազիս երկու լիար քղամիտ, որում հարկաւոր իւր յօրինելոյ ուռկայն ձկնորսի իմոյ, և այս դատախազս ընդունելով այս պայմանի և հաւատալով ուխտագրութեանն գանգատողին ձեռնադրեցի թուղթն վաշխապարտից բովանդակեալ երկու հարիւր և քսան դուռուշի և յանձնեցի գանգատողին՝ յուսալով զի 'ի միջոց միով ամսաւ գտից քղամիտն և ընթացից 'ի գործ ձուկ յորսի, այս անիրաւ գանգատողս ո՛չ միայն թուլանալով անցուց սահման ժամանակին ուխտագրութեան իւրոյ, որ ո՛չ յանձնեաց քղամիտն մինչև անցաւ ժամանակն տարուն ձուկ որսելոյ, և եղև ծայրագոյն վնաս այս դատախազիս, որ վնասս այս մի լինիցի պակասագոյն քանթէ երեսուն դրամ երծաթ հայոց, նա ևս յետ վեց ամիս ժամանակէ յուղարկեաց խոստացեալ քղամիտն իւր, որ տեսաք և հաստատեցաք զի էր փթեալ որ ո՛չ էր արժանի ոչ ինչ իրաց, բազմիցս անգամ պատգամօք, և բամբկաձոր գնացող արամբ գրեցաք առ գանգատողն և ազդ նմայ արարաք զի քղամիտն իւր փթեալ է, և այս դատախազս ո՛չ յանձն առնու և ո՛չ ընդունի փոխանակ քառասուն դուռուշի, այս գան-